

Schriftelke vroagen

Grunnen, 12 september 2016



Stoatenvraagen van de Partij voor het Noorden Stoatenfraksie aan t Kòllezie van Diptaaierde Stoaten op grond van artikel 45 Reglement van orde.

Geacht Kòllezie,

d'Oflopen twij joar is der n laandelke diskuzzie west over de zulfstaandege pozitsie van de Regionoale omroupen in Nederland. Dit wuir doan mit t oog op de nije mediawet. Volgens t kabinet mout der bezunegd worden en dat gaait ook gebeuren mit meugelk slimme gevolgen veur de regionoale omroupen. In eerste instantsie wuir der docht aan soamenwaarkens tussen de regionoale omroupen. Hail sekuur bekeken is dit, wat de praktiek aanbelangt nait te rizen en tast zuks as vanzulf de zulfstaandege stoatus van de diverse regionoale omroupen aan. In Fryslàn gaait de Pervinsie Fryslàn doarom Omrop Fryslàn nou stuktureel ondersteunen. Dit doun ze mit t oog van behold van toal en kultuur en identiteit waarbie Omrop Fryslàn n belangrieke rol speelt;

1) Is t Kòllezie van mainen dat onze regionoale omroup RTV Noord een slim degelke en belangriek medium in onze pervinsie is, dij sund joar en dag t grootste bereik onder d'inwoners van Stad en Ommelaand het?

2) Is t Kòllezie van mainen dat onze Grunneger kultuur, toal en identiteit van groot belang is veur onze pervinsie en doar ook börg veur staat?

3) Is t Kòllezie van mainen dat RTV Noord n slim belangrieke rol vervult bie t infermeren van d'inwoonders van de provinsie en t bewoaren en uutdroagen van de Grunneger identiteit, kultuur en toal?

4) Is t kòllezie t mit de Partij voor het Noorden ains dat de bezunegens van t Riek bovenop de bezunegens van de pervinsie Grunnen, n ontoulootboare wizzel trekken en zulf de doodsteek wezen kin veur dizze belangrieke rol van de omroup?

5) Is t joe bekind dat de pervinsie Fryslàn heur omroup in beschaarmen nemt tegen zo'n veuruutzicht? Dat bedudt dat de Provincie Fryslàn n strukturele financiële biedroage aan de regionoale omroup in Fryslàn betoalen gaait.

6) Is t Kòllezie van plan om binnen n kòrt tedsbestek in gesprek te goan mit RTV Noord om te proaten over meugelke oplözzens om kwaliteit van heur waark en doardeer onze toal, Kultuur, identiteit en t recht op regionoale infermoatsie zeker te stellen?

Groutnis en achtens,

Bé Zwiers

Uut noam van de stoatenfraksie van de Partij voor het Noorden.